





# 本報要目

◎九月二十七日第十三號  
論說▲世界史上之蘇彝士河  
譯件▲日本煙草專賣法  
專件▲意大利米耶賽會總章  
要聞▲設學部之議已決不裁三寺不併各省新聞▲道路大通△營口苦疫△加給道缺津貼△楚報記者收禁府監△新甯鐵路辦法各國新聞▲日本擬建奉天鐵路  
奏議▲盛京將軍趙爾巽奏請鑲紅旗合設維城小學堂摺▲盛京將軍趙爾巽奏請昭信股票擬變通辦理片  
餘錄▲報界叢話十二

## 論說

### 世界史上之蘇彝士河

(再續前稿)

蘇彝士河之計畫  
蘇彝士河之計畫，其初亦流覽羣書，見有紅海地中海必須連接之說，故決然以開鑿一事為己任。惟法老大帝，以帝王之大業，故舉事之初，易如反掌。勵氏則起自匹夫，一無憑藉，而欲樹此偉績，豈非英雄之所難，而志士之所憂乎。然而勵氏法人也，事成則於法為尤利，於是乎不避艱苦，歸謀諸國，陰得法廷之聲援，始於一千八百五十四年，挾策干濟度，時濟度王埃及行政多艱，勵氏遂得其特許，並提議此事於各國。定約海樓府，而萬國蘇彝士運河之公司立焉。然天下事成，誠非易易，而籌款甚難，且當時妒之者多，助之者少，勵氏乃掉其唇舌，上下游說，操力分易舉之術，以五百法郎為一股，都為四十萬，上自王公下迄士庶，皆各出所蓄以贊其成，統計其數，得之埃及及政府者居少半，而得之法國資本家者居大半。於是蘇彝士開鑿之費集焉。費集矣，公司立矣，而勵氏猶慮濟度之中止，公司之不能持久也，乃要濟度以不戒不之誓，又為公司求廣大土地，為疏通飲料灌溉耕作之便，并請埃及政府出其人民供工役之事。自是勵氏無後顧之憂，遂於一千八百五十八年，令濟度舉興築之典，而蘇彝士運河之大工興焉。夫勵氏無尺寸之席，徒手從事，王公士庶，皆受其運動，不出數年，而大工畢舉，且能使運河權利歸重於祖國，其立志之善，運籌之苦，豈尋常之夫之所能為哉。

力法可獨執其牛耳，此其贊成之因也。而英國則不然，運河之成也，則南非之航線，移而東趨，英屬喜望峯，必為衰歇，不利者一，歐亞航路，一水可通，英國所設自歷山港至蘇彝士之鐵道，必歸無用，不利者二，法國之威權，是愈盛，埃及有吞并之虞，英人無措手之處，不利者三，以此諸故，故其反抗為尤力。然英人之不利，一國之私也，世界通商之便利，萬國之公也，以一國之私害萬國之公，公理所不許，故埃及卒得各國之公認，勵氏卒得濟度之准憑，而蘇彝士河之交涉，以定。雖然，此亦濟度利害之不明，為勵氏所折服，故繼一時之舉，而假公司以特權也。及濟度死，威氏明流立，知讓與土地供給役夫之條約，濟度之所許，實埃及之大不利也，而公司於其際，又適有領地擴張之事，勢力死亡之慘，故威氏明流主破壞條約之說，公司遂又起埃及政府之交涉，而大工幾敗於垂成。於是各國干涉，遂有以器代力，值金廢約之調停，而勵氏乃乃百折千迴，而始達其志。成功之日，兩內海混合，水勢澎湃，高踞於天，固希代之絕觀，亦終古之大紀念也。考其時，實一千八百六十九年，蓋自興工以來，至是已十有一載，而二十年運塞不通之運道，乃遂為世界著名之河流矣。(前)

譯件  
日本煙草專賣法(三續前稿)  
第二十七條  
有犯本法者不得按照刑法中之不論罪例減輕例再犯加重例數罪俱發例以為判斷但有合於刑法中第七十五條第一款者不在此限  
第二十八條  
凡種植煙草販賣煙草及製造煙草之人設其代理人或家族傭僱同居人等於以上所記之各業務人有違背本法之處在該種植煙草者等仍不得以非出己意而免本法之罰(此條由三十二年法律第二十八號增入)  
附則  
第二十九條  
本法自明治三十一年一月一日起一律施行  
第三十條  
凡地方之有特別狀況者得由勅令指定為不在施行本法之範圍以內(此係由三十二年法律第二十八號更正)  
除政府以外不得以本法未施行地方之煙草運入於施行本法地方其有擅自運入者則科以三圓以上十元以下之罰金而將所運煙草查抄充公其有業經轉售與業經消費者則追償入官  
第三十一條  
明治三十一年勅令第二十二號所布告之煙草稅則自本法施行之日起一律廢止但製造煙草者於本法施行以前所購之煙草製成煙草者則仍當遵照明治二十一年勅令第二十號所布告之煙草稅則完納稅項  
第三十二條  
本法施行之際各煙草行棧及種植煙草之人其所有之煙草俱當納之於政府至交納規則當以命令定之

第三十三條  
凡本所定為不應收買煙草之人設於本法施行之際持有煙草則准其於明治三十二年四月三十日以前自行賣於製造煙草者或買煙草者惟逾此期限仍有煙草者不干獲售之責時則應將煙草運往所存數量呈請政府否則概行查抄充公  
第三十四條  
由外國販運入口之煙草於何日為始一例遵照新例當恭候勅令定之(已完)  
專件  
意大利米耶賽會總章(續)  
第八條總辦公處於請允之准許必慎重出之俟各門會紳申詳而後定凡入會者於陳賽之物必以其自出之製造品為貴  
凡入會者必取有會中發出准許之憑據  
第四節 報名規則  
第九條凡有人入會者於收到入會准允之憑據後十五天內就所認報之各門每門納十呂耳農業一門另詳該門專章其有報古時運載二門者免報名稅  
第十條入會者將所佔之地位納稅其定章如下  
一陸運  
二海運河運  
三預計會  
四裝飾費  
五工作部  
六農業  
七農產  
八公家衛生  
九運載衛生及保險  
十古時運載一門免租地稅  
十一預計會農產衛生學如不有爭利之心則由辦公處查定後一律免稅會中并為設玻璃窗衛之其價每碼見方十呂耳  
十二美術賽會一概免稅但於貨物售出後繳價百分之十與總會下及特別之賽場其稅費當以公道為主  
第十一條以上稅則減價如下  
一廊下無屋蓋者減百分之二十  
二廊下無屋蓋者減百分之四十  
三又有應增價者如下  
四四面脫空地加百分之五十  
五兩三面脫空地加百分之二十五  
第十二條特別之賽會場其建築舍之地稅應由入會者與總會商議其擬建之亭舍應候會中核准如第七條所言

第十三條入會者所佔用地位有不足一碼見方者亦照見方算租金一半於得准允後三十日內交付餘一半於一千九百零五年十二月三十一號前交付特別賽會建造亭舍其稅金於立約時先付十分之一餘俟交地時付清入會者於所指定之一門合力辦理則應有一代表人與會中交涉確守會中章程及號令依限納稅  
第十四條量地租借之事如有錯誤會中祇能將多收之金繳還如有請賠一概不理至入會者如所佔地位過於其所請允之數則查出後補繳租金如數  
第十五條入會者既已照章請允則其所租之地雖并不用亦必納租金之半會中有權將此地再租與別人并有權令此人之租地讓與彼人  
第十六條凡入會者均可有代表之人應將其人之姓名及其任授之職一一告知會中會中准之或否不必將所以然之故宣告  
第十七條入會者或代表人應將居住送至米耶反蟹而以四號其居址以至會終不換為宜  
第十八條入會者或代表人備有執照此執照照總辦公處所訂專條辦理予以在會中各處自由之權  
第十九條一人而代表數處其執照祇有一分  
入會者及代表人於請允之前必須將總章及專條詳細閱看而確遵其中之條約俾得總辦公處之准允且自始至終均宜如此  
入會者及代表人如有不遵會章則其所有之執照可以收毀并不必將其緣故一一告知  
第六節 交貨收貨陳貨起貨  
第二十條凡貨物既經請允則應連請允之憑據於一千九百零五年十二月十五號至一千九百零六年二月一號期內交付惟美術及臨時之賽品另有專章不在此列其有特別之貨物及重價之貨物應早交或遲交者則由會中酌定准許(據會中辦事員面言外國交貨可遲至明年西歷三月)  
機器及重大之物應裝配火機或加高或裝飾或建築者則應於一千九百零五年十二月十五號以前交付  
入會者倘不依限交貨則失其用租地之權而不能收回已納之稅金  
第二十一條入會者不住米耶則於運交貨物及請允憑據之時寫寄貨清單一紙至總辦公處又寫第二分於發貨時交車站又寫第三分由入會本人藏好俟封會後起貨時用  
以上清單三紙應由入會者簽字每張詳載每箱所裝貨物之斤量價值又表明入會者之號數本人或代表人在米耶之居址  
第二十二條每件貨箱應寫寄址二分之一在箱面一在箱之左或右  
此寄址應寫明寄交某門賽會及編明號頭并寫明入會者之號數  
凡貨箱應裝釘完固其蓋不可直釘須用螺旋  
凡有易損之物必須小心裝好  
每箱內應有本箱貨件細賬一紙每件貨物應有一小票上書排貨號頭及請允憑據號頭  
(未完)



### 宮門抄

九月二十五日 理藩院 光祿寺 八旗 兩翼值日  
戶部引 見十三名 理藩院九名 正藍漢二名 繼  
祿李級漢等由東陵回京請 安 方培愷預備 召見  
毓秀請假十日 關防衙門奏初一日 大高殿拜表載  
獲行禮 召見軍機 方培愷

九月二十六日京電本日 召見軍機  
九月分選單○郎中兵部職方司李煜瀛直隸廣西直隸  
趙州恩惠正紅滿舉 通判山東濟南黃玉森江西附  
知縣河南長葛言寶書浙江人山東萊蕪陳恩榮順天甲  
浙江嶧縣張懷信直隸甲廣東仁化許葉珍順天懷柔  
浙江盧恩澤安徽監 直州判陝西乾州柯輝威浙江拔  
巡檢江西廣昌林樹年四川監

諭旨  
九月二十六日京電本日奉  
上諭順天府奏賞撥王恕園等處粥廠賑米一摺所有通州王  
恕園等處粥廠並煖廠粥所清員寺回民粥廠加恩著賞  
給米一千七百石以惠窮黎仍著俟教養局開辦後另行變  
通辦理欽此

電報  
西十月二十三號倫敦來電  
英國海軍大將穆爾現奉命為駐中國之海軍提督而以海  
軍中將克萊爾繼補大將  
英艦巴克斯德已將被釋之武官運回通各爾矣  
法國總統現往西班牙京  
俄國鐵路工人同盟罷工勢甚熾麥斯利至聖彼得堡之路  
線皆已斷絕亦不難所為也  
瓦爾塞之公共黨員現聯名上書政府謂彼等可以禁止民會  
選舉議員之事按瓦爾塞即波蘭之故都

要聞  
政務處傳出消息學務處改設學部裁併國子  
監之議現已決定 摺稿已擬就定於二十七日呈遞  
又聞政府以端中丞辦理學務最著名譽擬俟學部奉  
旨允准後即請以端中丞補授學部尚書暫緩  
出洋 仍以孫中堂管理學部榮張二尚書則專辦財政母  
庸兼理學務云(北京專函)

禮部不裁三寺不併  
探得政務處確實消息前奉 旨交議熙慶學部禮部一摺  
初議將太常光祿鴻臚三寺歸併禮部業經決定於二十三日  
覆奏嗣因某某一相國不以為然遂改議 悉仍舊制  
毋庸裁併 聞已於二十五日覆奏矣(北京專函)

本埠新聞  
巡警紀事○西頭永明寺東齋富有昨由開口買大米一包  
僱東洋車拉運半途相失該車夫拉至西頭橫街子經該處崗  
兵將車米一併扣留存局蕭某聞悉當即赴局稟明巡官將米  
領去

西門外社稷壇後於海廷前將伊之外甥王大王二舉薦  
竹林某洋行公司充當夥計現因偷竊該行賬房洋銀二百四  
十元經該行查明係伊二人所為稟明法蘭西官員飭派巡捕等  
於昨日協同第五局四區巡官朱統憲將王大王二  
等三名拘獲旋由伊家搜出洋銀一百元一併送交法工部局  
究辦

山東人趙修林於日前在估衣街口某洋貨舖乘忙亂之  
際竊取洋銀一塊當經該舖兵查見將趙送由二局一區轉送總  
局由職員曹大令提訊明確將趙重責責畢枷號七日發往各局  
區輪流示衆

定期驗關○長蘆商人晉孚領引案鹽運章稟請小直沽大  
使赴地監驗過秤打包二十六日過關運往台陸都轉定於是  
日親詣鹽關驗放

添蓋工房○北洋銀元局工匠大半客籍前經該局在附近  
地方蓋房多間俾有棲止近以該房仍不敷用又在局東展拓  
地基添蓋添蓋不日即可興工

電燈埋線○河北獅子林現有許多工人掘溝一道寬尺許  
深約一弓由東而西查係電燈公司埋設電線之用  
飭查客店○邑尊唐大令傳集各堡地方諭令傳知各該管  
地面大小客店務須將每日來去客人逐一登記日簿每日呈  
驗一次不得留宿匪類各地方已遵辦辦理

押解梟匪○二十五日晚間四汛拿獲梟匪王二一名係  
北倉著名梟匪當由津派役將該犯解押解武清縣訊辦  
●奧界將開馬路○奧國租界自西之東將開馬路與奧界馬  
路連接惟楊家台一帶民房多有障礙現由奧官派洋工役司  
於二十五日逐段勘丈並飭步應拆民房現由該洋工役發價  
●縣案一○海下郭善治人張雙樂前因竊鹽在縣枷號發往  
署前示衆日前看管之地方一時疏忽忽即脫枷逃遁昨經職  
員佛大令將該地方提比一百勒限五天將張交案

縣案二○邑尊唐大令昨提出由某處解到寄押人犯孫長  
永等二名飭由官局備用火車一輛派役二名將該犯等解  
送武清縣解案處交案

北京新聞  
●商部批示○前據該商稟稱海拉坎山界限處所願按照  
張家口廳原詳等語當經本部以該商等既經呈繳積欠如  
果無礙轉呈擬即應核定界址以順商情其界內宋姓張姓煤  
窰如查非私挖即將此處劃開不入界內等因查行察哈爾都  
統查照辦理去後茲准覆稱海拉坎山煤窰除馬連圪達屬  
宋姓等民地不計外所有大小海流素太拉米溝五花背舊  
溝大小七令溝等處計地七十一頃七十三畝九分一釐四厘  
十里許彼此連屬東至海流素太南至拉米溝西至七令溝北  
至獅子坪並無違背部章以及轉轄窒礙情事該商等前擬  
將二十三年以前舊欠二千三百八十六兩九錢五分五釐七  
毫先交六成銀一千四百三十二兩一錢七分下欠分作四年  
帶交二十三年封禁以後欠課可否准其豁免或展年限之處  
應請商部核示其礦界內宋姓等民地內從前試探煤窰除飭  
傳宋姓等履勘繪圖呈驗資本取具保結外詳請部示外相  
應咨查照等因前來查此案既據察哈爾都統查明該礦地四  
至並無違背部章以及轉轄窒礙等情事應准予開採以順商  
情其二十三年以前舊欠既經該商等先交六成下欠分作四  
年帶交嗣後應按年交足以清積款至二十三年封禁以後欠

課姑念係在該礦封禁期內並准予豁免以恤商艱惟查部章  
第二十三條領礦地在十方里以內應繳照費庫平銀一百兩  
多一方里加費十兩第二十四條請領執照人經部准辦後應  
自批准日起限六個月開工並將開辦日期報部逾期不報即  
將執照註銷第六十七條凡發開礦執照應由領照人繳呈著  
名殷實行號保單擔保銀一萬兩各等語除馬連圪達宋姓等  
礦地一案另行核辦外該商鈞鈞等應遵章繳銀一萬兩保  
單並按照礦地方里核計照費若干送部以憑給照俟領照後  
何日開工仍應報部查核仰即遵照此批 右批該商鈞鈞  
等知悉

吏部批示○據降調山東補用道齊鴻聲呈稱竊職前因在  
奉天原籍辦團經奉天將軍以不知遠嫌奏請交部議處經部  
議處以降三級調用今擬復原官等因到部查例載常例不  
准捐復而情節尚有可原者降調人員加五具呈吏部詳核案  
情隨時奏明請 旨如奉 旨准其捐復即行知照戶部加成  
收捐又上年奏定新章此項人員統為推廣捐復無須另行請  
旨具呈吏部詳查案情核定降調人員加五者行戶部分別  
專案彙案具奏各等語查該員原案奉天將軍延奏稱被參  
各節均查無實據並無結匪飲錢情事第與門丁往來究屬不  
知遠嫌請交部議處等因當經本部不應重私罪議以降三  
級調用在案核其情節應在降調人員加五准其捐復之例除  
知照戶部俟捐案核准後將捐復銀數知照本部核辦外相應  
批示可也

警部借地辦公○警部徐尚書現與那尙書商定暫假內城  
工巡總局之接待所及繕譯處為警部各員辦公之所俟奏請  
撥款建設衙署後再行遷讓

李欽使奏調參隨員名單○駐比李欽使盛鑾奏調參隨  
員三人名單錄下 工部郎中趙從善 江蘇候補道聲齡  
廣東候補同知楊書麟 此外咨調學生四人武弁一人  
●計學館派生游學○戶部計學館派學生出洋游學已有  
成議聞張尙書已囑某某二教習擬具意見書以備參酌  
●運動大會○前門外板章胡同日新小學堂於二十四日特  
開運動大會觀者如堵各學生種種運動備極整齊靈捷之妙  
中外參觀員無不拍掌叫絕

北京西城閱報處募捐小引  
今之時代其過渡之時代乎渡江河以筏以槳以槳以筏渡洋  
海則桅桅外又必以測鏡以羅針凡此皆過渡助力器也然過  
渡之助力器如槳所云云特就有形者言耳其無形者乃有最  
要之二事一曰報社二曰學堂辦學堂有數難難任人難求  
良教師難報社則屋十數棟得報十數種即可聚百數十人瀏  
覽而研察之以潛其腦筋之靈以引其血管之熱此百數十人  
歸而語其子弟其族其鄰輾轉相傳影響更無窮盡受  
其益者或至於千萬人億兆人凡事輕簡易行斯可早達目  
的報社之易設十倍於設學其收效之大且速又較設學十倍  
焉京師有人海之稱公私學舍將及六十餘而偏歷五城曾不  
得一公共閱報地文明何自進風氣何自開乎某等痛時局之  
艱感同舟之誼爰就玉皇閣之右創閱報所開辦甫三日閱者  
趾踵竟至地隘莫容意者人心未盡死而天下事尚可為耶願  
貨屋置器履備茶及訂購各種報紙所費頗多積久將恐不  
繼且為擴充推廣計非團合力不為功風潮洶湧時局岌  
岌熱誠之士何地無之其有願表同情義茲盛舉者乎為過渡  
之助力人作過渡之助力器則雖最大如洋海次大如江河終

必有穩渡登岸之一日也報社規則列左幅凡我同志幸垂  
察焉  
計開  
●創辦章程九條  
甲定名 本處專備報紙任人觀覽此外不涉他事故以閱報  
處命名  
乙宗旨 學堂教育一時不能普及多一閱報人即多一曉事  
人開通風氣斷以此舉為要者且又簡便易行同人所以亟  
亟興辦也  
丙擇地 京師地面甚廣此等報社雖設百數十處亦不嫌多  
惟當創始時祇能試辦一處以引其端現就西城內甘石橋  
西斜街東路口北玉皇廟前街面賃屋備用俟籌有的款再當  
力圖擴充  
丁報目 本處所備各報在京出版者如中華報北京報官話  
報京話日報順天時報之類皆由本處訂購按日送外埠出  
版者如匯報時報漢報外報大公報膠州報政警通報中  
外日報中外實報天津日日新聞報之類亦分別函購寄京  
至東方雜誌譯書彙編及其他各種學報亦擬陸續購定以  
為輪進文明開智識之助  
戊時限 本處以三月十二日為開辦之期每日夏秋早自八  
點鐘起至晚五點鐘止春冬早自九點鐘起至晚四點鐘止  
聽人入內閱報并備茶水派役夫常川伺候不取閱報者分  
文逾時各散  
己觀例 室內安設桌椅閱者任便就坐各報暫各備一二分  
依先後次序傳閱閱畢仍送取報處安放不可任便拋擲  
庚禁條 一閱報時不得信口吟哦高聲喧笑 一各報不得  
借出外看 一報內常有精細圖畫閱者不得裁割擄去  
一閱報縱有所見不得在原報上動筆批寫 一除閱報  
外不得在此閑坐閒談 一室內安有痰盂不得任便吐沫  
辛職任 本處現為試辦同志不過數人除已公舉一人就近  
經理外并由諸同志隨時隨事商辦一切  
壬經費 現時賃屋置器履備茶及訂購各報費用統由創  
辦人先行認捐并未在外勸募第人之好善誰不如我海內  
同志當不乏人或願就本處襄贊擴充或採用本處章程另  
辦外埠可惠書垂問本京則請於每星期日自下午一鐘至  
四鐘逕至本處與辦事人面談 (未完)

保定新聞  
●官場紀事○藩大令秉坤前奉藩台寶方伯委赴易州催解  
錢糧已於前日回省銷差  
△藩台寶方伯札委王大令遂善前往某縣密查案件大令奉  
札後即於二十三日稟辭起程  
●清苑縣告示○為出示嚴禁事案據城關煤行天成號等稟  
稱竊商等向在城關開設煤舖生理供應 各憲衙門差務一  
切均有定章現在節冬令誠恐漁利之徒以火車挽運較易  
販煤私售任意攪擾若不嚴行查禁煤行受累無窮請出示嚴  
禁等情據此查私販煤利肥己大為商賈之害除飭差嚴  
密巡查外合行出示嚴禁為此仰城關商民人等知悉自示  
之後務當各知自愛如欲賣煤生理應入煤行和衷商辦不准  
私自販賣漁利肥己倘敢不遵許該煤行巡役與地方人等指  
名來縣具稟以憑傳究決不寬貸各宜凜遵毋違特示



### 蓬萊不老益壽散

方仙來蓬

元洋定 百服一 三價次一 瓶

### 至親骨肉須知有此靈藥

## 昇坤丸

崇治婦科百症 醫界中

靈驗

### 不老益壽散

## 救世活人

此藥能治百病 凡有病者 服之立愈 誠救世之靈藥也

### 生香膏

誠濟再美老且修夫 不敷敷若顏有飾自 可於粉加皮黑由迄 得手潤修用滲入今 之之細細此容力男 妙上賦豈膏之也婦 藥絕不不能形此貌 也無異愈和敷膏之 凍凍見血此能美 製常嬌色膏潤者 之尤能返變皮指 患有耶為顏膚不 如要嬌量如去勝 已者人顏玉風屈 患冬況況能應雖 凍令面青合治後 製嚴後年人童秀 敷塞先男兒瘰生 之之之而汗於 立時此天受瘰天 愈用膏委委等委 圖此此後瘰症而

### 潤肺止咳散

此治肺為之若嗽痰喘肺身人 藥之癆瘵則緩雖生百氣為皆一 實症難喘變治微咳病一本以

### 北京華新書局告白

本局承辦各項書籍 凡有欲購者 請向本局接洽 價格從廉 服務周到

### 昇大馬車公司

本公司經營各項馬車業務 凡有欲租者 請向本公司洽談

### 園茶芳繪

本班名師授課 教授各項茶藝 歡迎報名

### 園茶仙鳴

本班名師授課 教授各項茶藝 歡迎報名

### 步獨科婦

本院專治婦科各種疾病 醫術精湛 收費低廉

### 險火保行和平

本公司經營各項保險業務 凡有欲保者 請向本公司洽談

### 司公基興

本公司經營各項建築業務 凡有欲建者 請向本公司洽談

天津宮北大街胡恒洋行藥房



●上海商務印書館專售鉛字銅模印書機器洋紙廣告●  
本館開設上海棋盤街中市專售各種印書機器及鉛字銅模印書機器洋紙廣告等項。凡欲購者請向本館接洽。本館所售各項機器洋紙均係最新式，品質優良，價格低廉。歡迎各界垂詢。

回春大藥房  
戒煙參茸  
香片茶葉

鴉片一物，害人無窮。本藥房特製戒煙參茸，能斷癮除根，不傷身體。凡有煙癮者，請速來購。本藥房另備各種香片茶葉，品質純正，香味芬芳。歡迎選購。

電動機器  
光影戲活  
廉價美價

回春大藥房  
魚肝油已到請速購  
本藥房新到各種名廠魚肝油，品質純正，營養豐富。凡有體弱多病、咳嗽氣喘者，服之必能奏效。歡迎選購。

名醫  
黃卓生 李壽榮 梁植光 陳德超 黃祝生 李安基 嚴少清 同啓  
本診所由名醫黃卓生先生主持，專治各種疑難雜症。地址：天津法租界。診費低廉，歡迎垂詢。

上海南報  
色特大八  
本報特設專件，由轉轉來訪而來其中關繫世界重要之事實甚多。閱者可留為研究政學之資料。本報每日附印小說一頁，或撰或譯，不拘一定，大要以開智怡情為主。其文章雋永，思想淵微，大可補正言莊論所不足。

北京工藝局廣告  
本局自造景泰藍、景泰琺瑯、景泰磁器、景泰漆器、景泰金銀器、景泰銅器、景泰鐵器、景泰木器、景泰紙器、景泰布器、景泰雜貨等。品質優良，價格低廉。歡迎選購。



華順洋行  
本行開設在天津法租界，專營各種洋貨、呢絨、綢緞、布匹等。品質優良，價格低廉。歡迎選購。

保定府南關道紙局局長  
趙恩杰謹白  
本局承辦各種紙張，品質優良，價格低廉。歡迎選購。

良醫醫津  
本診所由名醫黃卓生先生主持，專治各種疑難雜症。地址：天津法租界。診費低廉，歡迎垂詢。

利快洋行  
本行開設在天津法租界，專營各種洋貨、呢絨、綢緞、布匹等。品質優良，價格低廉。歡迎選購。

天津臣洋行  
本行開設在天津法租界，專營各種洋貨、呢絨、綢緞、布匹等。品質優良，價格低廉。歡迎選購。

利文洋行  
本行開設在天津法租界，專營各種洋貨、呢絨、綢緞、布匹等。品質優良，價格低廉。歡迎選購。

自製各種肥皂出售  
本行自製各種肥皂，品質優良，價格低廉。歡迎選購。

廣東第一藥名  
本行專營各種名藥，品質優良，價格低廉。歡迎選購。







各國新聞

◎日本擬建奉天鐵路 日本新聞紙云日本政府現擬將漢城(韓京)之鐵路直接奉天已令大藏省籌備用款約需三千五百萬元 譯上海太晤士報

◎俄俘回國 現有德法兩國輪船多艘開往日本運送俄俘回國各俄俘在長崎神戶橫濱各處拘禁現各輪船已分途前往矣 譯上海太晤士報

◎韓報之言 韓國新聞紙云近日京城謠言四起皆謂各國公使將次回國以致議論紛紛迨詳細查訪始知此言皆出自日本人因日本甚願各國駐韓公使一律撤回也 譯上海太晤士報

◎日員告退 日本武員在韓京辦理警察事務甚為盡力現有巡長二名因年老自行告退以免誤公 譯上海太晤士報

◎德人不赴納爾遜將軍之紀念會 柏林電云此次倫敦舉行故將軍納爾遜百年紀念會所有旅居英國之德人皆未赴會 譯京太晤士報

◎非洲德屬亂事 柏林電云東非洲德屬威細地方現有亂黨滋事 譯京太晤士報

◎德商務大臣罷職 普魯士商務大臣莫爾君現已罷職繼其任者為德布爾克君 譯京太晤士報

◎西班牙王將遊奧京 柏林電云巴黎新聞紙載稱西班牙王阿方索將遊柏林於兩國交際上大有裨益現聞西班牙王將於西歷明年正月十三號往遊奧京維也納及曼尼池地方以示西奧親睦之意 譯京太晤士報

◎俄皇喜和約之成 俄皇下詔以日俄和約已成朕心甚喜吾俄人從此又享太平之福日本為俄之鄰國休戚相關朕其願兩國邦交日見親密也 譯京太晤士報

◎俄亂黨誌 柏林電云俄國內地有數處鐵路工人謀為不軌現已同時罷工 譯京太晤士報

△倫敦電云俄國喀爾斯地方之警務官自劇場忽有亂民向彼連發手槍當即斃命又克深尼夫地方之警務次官亦被人刺死按喀爾斯為西比利亞鐵路之要道在多姆斯克與意爾哈斯克之間 譯上海益聞西報

奏議

練兵處奏請飭各省節存例報缺

馬銀兩移充練兵經費片

再准河南巡撫陳龍咨抄送本年七月初五日附奏綠營馬匹就地購買一片內稱本年奏請續裁綠營復將經制酌減偵探馬全裁所餘練軍及經制馬匹更屬無幾口外馬少價貴綠營馬價每匹實七兩有奇不敷現銀練兵費裁已無馬兵擬懇 勅部立案將各標營應補倒缺馬匹從本年起令隨時就地購買以示體恤等語查定例綠營補倒缺馬匹係因國初各省標營官馬兵馬均有定額大省多者至萬餘匹小省少者亦不下數千匹皆供戰陣之用關繫較重恐弁兵之捏報倒缺玩視餉養也因有限定例缺購補之例恐馬價之虛冒浮多也因有限定例之例詳釋例意至為周密惟現在綠營節次裁汰現存馬數均少該省現存馬匹原奏亦謂無幾幾稱已無馬兵此項報缺馬匹無裨實用自可不必仍循舊例辦理且刻下銀價過賤馬價過貴無論邊外內地堪用馬匹斷非例價七

兩有奇所能數買如原奏就地購買一節不過循支購馬之款仍無購馬之事實徒供綠營弁中飽而已當此整軍經武之時與其拘牽例文致礙採購之需項何如即裁虛額可省養馬之開支擬請各省標營自本年年起倒缺馬匹均即裁汰所請就地購買之處應毋庸議原支乾銀草豆查報節存充餉各省綠營事同一律擬請 飭下各省嗣後凡綠營例報倒缺馬匹概行裁汰俾其買補原支乾銀等項按年一併查明節存移充練兵經費以節浮冗而裕餉源謹會同附片具陳伏乞 聖鑒謹奏光緒三十一年九月初五日奉 旨依議欽此

盛京將軍趙奏整頓宗室覺羅學

合設維城小學堂摺

奏為整頓宗室覺羅學合設維城小學堂以固根本而廣甄陶恭摺仰祈 聖鑒事竊維古昔成均國學以次成就肄業實與近今歐美貴冑入學同一用意 盛京為我 朝發祥之地天潢一脈世世相承與學育才尤不容緩伏查奉天舊有宗室覺羅學宗室學堂三所宗室學堂學堂均額設學生二十名覺羅學額設學生四十名向章宗室學生伙食每名月給銀三兩覺羅學生每名月給銀二兩由戶部八折扣放每年共放銀一千六百餘兩派滿漢兩司管教習隨時授課在 朝廷為念宗室支費漸繁 聖恩已備優渥遇奉行日久幾等虛文庚子以後兩遭兵燹生徒四散堂舍傾頹雖有卓犖英捷之才難學徒殷未由進取若不亟予提倡 豐錫子弟才俊益形消乏殊非慎重根本之道恭讀光緒二十八年正月十三日上諭宗室覺羅八旗等官學設於小學堂中學堂均歸大學堂辦理等因欽此是宗室覺羅各學之宜改設學堂久在 聖明洞鑒奴才在任伊始體察情形當即督飭學務處將宗室覺羅兩學堂加修整併而為一以覺羅學為講堂以宗室學為宿舍之所現已將次竣工計設講堂四座可容學生一百八十名日維城小學堂仍照三學舊額考選內舍生八十名住學此外有願來學者就空額百名考選補充作為附生不供食宿堂中課程悉照奏定小學堂章程辦理並於宗室覺羅三學正副管內每月輪派一人在學堂照料月給津貼飯食銀兩以資辦公其例由戶工兩部應領學教員公費衣履等雜支之款一概停止約計常年經費共需銀五千五百餘兩除由戶部撥支三學學生伙食銀一千六百餘兩外計每年不敷銀四千兩上下並此次修葺兩學工料等款應請由一二鹽釐學生經費項下作正開銷似此一轉移間振振材骨歸陶鑄在古人為齒學教育之盛典在今日實疆宗室之要圖抑奴才更有請者舊章宗室學生五年考滿以宗室學正副管長揆補覺羅學生考滿以五部筆帖式候補請此項學生小學畢業准照奏定新章升入中等高等大學仍俟卒業考驗後一律給予出身官職俾得及時自効以實學勵厥進修復以升階鼓其志氣於篤親作人之義益臻完善應請 飭下宗人府總理學務處立案施行以垂永遠而宏教育除分咨查照外所有整頓宗室覺羅學合設維城小學堂並學生給予出身緣由理合恭摺具陳伏乞 皇太后 皇上聖鑒訓示謹 奏奉 硃批學務大臣知道欽此

盛京將軍趙奏奉省昭信股票擬變通辦理片

再查奉省昭信股票未經核獎者尚有一十七萬六千五百餘本年五月間署將軍延杰等第三次奏請展限一年蒙 恩允准業經欽遵轉飭在案迄今已逾數月而呈報者仍屬寥寥轉瞬期年似此情形斷不能如限報數完竣蓋以奉省疊經兵燹原領股票之人轉徙出省者有之領股票因亂燬遺失者有之既未便通行停止失信商民又未能任其遷延再三續請奴才通盤籌計非設法變通辦理不足以副名實而廣招徠現擬以未經請獎之一十七萬六千五百兩銀數按照舊章每百兩為一票刊發執照一千七百六十五張另編新號蓋用總督關防有原領股票准其更換新照即原票燬廢及遺失者亦准取具的實保結查明補發以昭大信而免向隅嗣後凡由奉省股票請獎者即以新發執照為憑報部核獎其從前所領舊票一律作廢以防弊混除分咨查照外理合附片具陳伏乞 聖鑒謹 奏奉 硃批戶部知道欽此

政務處抄摺摘由

九月二十一日

吏部奏巡警部次叙請 欽定事奉 旨留

又內閣學士一缺請 簡事奉 旨留

又奏告近終養人員擬照在任丁憂服滿一律辦理事奉 旨依議

又丁憂起復分發原省無庸計算照限事奉 旨依議

又議覆甘肅新疆巡撫奏易濶岸等借署葉城縣知縣等缺事奉 旨依議

又核覆山西巡撫奏拿獲南路會匪各員議敘處知縣丁嘉璠議以降一級留任公罪可否准其抵銷請旨事奉 旨著准其抵銷餘依議

又巡撫勸諭敘事奉 旨依議

又片奏前布政使聯魁敘事奉 旨依議

又兵部奏前 派查齊大臣事奉 旨派出敬昌 兜欽 恒順 常山 全福 松淮 黃永安 玉璋

又奏請 派管理馬館大臣事奉 旨派出景厚

又奏休致驍騎校阿爾斌等可否 賞食全俸請 旨事奉 旨著賞食全俸

又奏議覆山東巡撫張振乾補遊擊事奉 旨依議

又片奏韓鳳昌補副將再行查明事奉 旨依議

又片奏陳錫坤補都司事奉 旨依議

又奏議覆兩廣總督奏邱嵩等襲職事奉 旨依議

又片奏徐生有補守備事奉 旨依議

又片奏劉功補守備事奉 旨依議

又奏查明鍾玉等襲職事奉 旨依議

又奏軍營官兵議卹奏事奉 旨依議

又片奏前任總兵劉得勝從優議卹事奉 旨依議

又奏核覆盛京各驛車價等項報銷事奉 旨知道了

又奏核覆武衛右軍報銷事奉 旨知道了

又片奏陝西善後報銷事奉 旨知道了

又片奏河南善後案內火車價報銷事奉 旨知道了

又奏議處察哈爾總管胡圖阿降以二級留任公罪可否准其抵銷請 旨事奉 旨著准其抵銷

又奏議處科布多屯田各員議以降留罰俸各處分事奉 旨依議

又片奏千總張明助更正保案事奉 旨依議

又會奏議處記名副都統治格等議以降二級調用事奉 旨依議

又奏統領衙門奏拿獲搶掠良家幼女人犯請交刑部審辦事奉 旨依議

又奏呈詞彙奏事奉 旨知道了

又奏餉餉進城數目事奉 旨知道了

又奏現審月摺奉 旨知道了

餘錄

報界叢話(十一)

凡新聞社之用特別發電雖未免太費然欲得異彩特色於紙面者固不可少也此外如過驚駭之事猝然湧起或國民之重大舉動或國際會議之特別開啓或際大戰爭之時機皆為最緊要者於此非得神速精確之報告則不特無以饜讀者之望且如新聞之價值亦將因之減損也

凡新聞社之有論說記者與專任文學批評記者於新聞事業中其位置最占高級故應此任者必為高才博學而閱歷宏深之人其遇國務大臣或政黨領袖之演說及盛名之士所著之時論皆有一己之智識以盡批難庇護之職任西諺云新聞者人類智識之簿記此語洵不虛也

世有以新聞記者行高等之訪問而冀得有益之材料者此輒近新聞事業之一大緊要現象也至尋其起源實濫觴於美國新聞社今則各國皆盛行特於美國為尤盛聞為美國之新聞記者常有奉其社主之命遠遊歐亞各地面謁當道之內閣宰相或政治家或盛名之學者或其國之皇帝可任便提出種種之難問以叩其意見之所在并將其人之品格與家庭間之生活書而公之於世此亦為業新聞者求標新領異之一大捷徑也

凡業訪問之新聞記者世稱為耶能克之訪問其意即嘲其為鐵面皮也蓋此訪問有偉大之勢力能左右世界通人之名譽使與之遇者咸不免有惴惴不得其當之懼其流弊至有濫用勢力而要索對面之款遇者然實為希有之事是以此主義終能在各國通行也(應)

本報徵文告白

本報徵文大意已詳十八日報端諸同志有惠寄大著為本報所登載者每篇贈銀五圓不登者恕不還稿特白

義務告白

本館為贊助公益起見凡官立民立各學堂以及倡興一切工藝事業關利者所登告白概不取資以盡義務

●文昌宮女子小學堂招生告白

啓者本學堂附設於保福講習所內擬於十月間開學招取學生四十人年齡自八歲至十二歲月納學費一元延請女堂長一人主持全堂事宜正教員二人副教員二人分授各種普通科學如有志來學者務祈約同引保於十月初一日以前至文昌宮西殿宅報名註冊候期考驗並可取閱章程及課程表此啓

女子小學堂謹白



